



**PARTURE NI PARMINGGUON
DI MINGGU XVII DUNG TRINITATIS
PESTA GOTILON DOHOT SYUKURAN ULANG TAHUN PA-29-HON
HKBP FAJAR RESORT LABUH BARU
DISTRIK XXII RIAU**

📖 Ev: Rom 1:8-15 📖 Ep: Daniel 3:13-18

TOPIK MINGU:

**“MANJAMITAHON BARITA NA ULI SIAN NASA ROHA”
“MEMBERITAKAN INJIL DENGAN SEGENAP HATI”**



Topik Pesta Gotilon:

**“Memberi dengan sukacita menuai berkat Allah”
[2 Korintus 9 : 7]**

Sub Topik Pesta Gotilon:

**Melalui pesta gotilon dan syukuran ulang tahun HKBP FAJAR ke-29,
kita diajak memberi dengan hati yang penuh syukur sebab Allah mengasihi
orang yang memberi dengan sukacita.**

**HURIA KRISTEN BATAK PROTESTAN [HKBP]
MINGGU, 12 OKTOBER 2025**

I. PANGARADEON PARHOBASON DI BAGAS GEREJA

Sude angka parhobas marpungu di bagas gereja

- Parhobas Minggu
- Na mamboan Bibel, Silang dohot Lilin
- Panitia [Ketua dan Wakil ketua, Sekretaris, Bendahara] rap dohot pardihutana
- Sahalak utusan ruas parompunan sian Wijk I – XIV manghunti tandok marisi parbue pir

Barisan Prosesi:

- Na mamboan Bibel, Silang dohot Lilin
- Sude Parhobas Minggu: Parjamita, Paragenda, Partingting, Papungu Pelean
- *[diiringi Pemamndu Lagu mangendehon BE No. 562 : 1 – 2, diulang-ulang mengiringi barisan prosesi sahat tu na hundul di ingananna be]*

II. JOUJOU TU PARSOMBAON [P = Paragenda; H = Huria]

P: Huria ni Debata na hinaholongan ni Tuhanta Jesus Kristus, hami saluhut parhalado, pasahathon tabe ma tu hamu ruas ni huria ni Tuhanta, di bagasan sadarion tung tama do hita mandok mauliate tu Debata, ala saluhut asi ni rohaNa, pandonganion dohot pangaramotionNa di pardalanan ni ngolu ni huriaNa.

H: *Ale Tuhan, sai pujion ni rohangku do Ho ala ni sude pambahenan-Mu na tongtong marmudumudu jala mamasumasu ngolunami.*

P: Sadari on na marpesta gotilon do hita, huhut laos manghalashon naung 29 taon ojak huria ni Tuhanta di inganan on. Nunga pungu hita nuaeng di son, tapuji ma Tuhanta pardenggan basa i, naung mandongani jala mamasumasu angka naniula ni tanganta.

H: *Ale Tuhan, sai pujion ni rohangku do Ho ala ni sude pambahenan-Mu na tongtong marmudumudu jala mamasumasu ngolunami.*

P: Antong, hamu ruas ni huria na hinaholongan, di Minggu pa-XVII-hon dung Trinitatis sadari on, dijou Hata ni Debata do hita asa tapasangap ma Ibana marhite pamatang nang tondinta dohot sude na adong di hita. Nunga dilehon Ibana na tau hangoluanta sigandahononta di ngolunta siganup ari. Marhite Pesta Gotilon dohot Ulang Tahun HKBP Fajar Pa-29-hon sadarion marlas ni roha ma hita pahinsathon panghobasion di tonga ni keluarga, huria, dohot masyarakat. Tahamauliatehon ma denggan basa ni Jahowa Debata na mamasumasu

pardalanan ni panghobasion ni huriaNa HKBP Fajar on. Tapuji tapasangap ma goarNa ni Jahowa Debatanta na songkal jala na badia i, tapangiar ma soaranta, marende ma hita:

1. MARENDE BE. No. 585 : 1 – 3 “Somba ma Jahowa “ BL. 585

Ro ma uduran ni Panitia raphon pardihutana dohot Sahalak utusan Ruas Parompuan sian Wijk I – XIV manghunti tandok marisi parbue pir!

♪ Somba ma Jahowa Debatanta, Amen Haleluya / Sigomgom langit tano on ro di isina, Amen haleluya. Beta hita lao marsomba tu joloNa, Amen Haleluya, na songkal jala na badia do Jahowa, Amen Haleluya

Endehon Amen Haleluya, endehon Amen Haleluya / Endehon Amen haleluya, endehon amen haleluya. 2X

♪ Puji ma Jahowa Debatanta, Amen Haleluya / Parasi roha na sumurung do Jahowa, Amen Haleluya / Taendehon ma goar ni Debatanta, Amen Haleluya / Alani denggan ni basa-Na na tu hita, Amen haleluya,

Endehon Amen haleluya..... 8X

----- Musik

♪ [Jongjong] Sangap di Jahowa Debatanta, Amen Haleluya / Na bonar jala marmulia do Jahowa, Amen Haleluya / Tapatimbul ma goar ni Debatanta, Amen haleluya / Na tigor jala na sun gogo salelengna, Amen haleluya,

Endehon Amen Haleluya.....8X

2. VOTUM – INTROITUS - TANGIANG

P: Marhitehite Goar ni Debata Ama dohot Goar ni AnakNa, Tuhan Jesus Kristus dohot Goar ni Tondi Parbadia, na tumompa langit dohot tano on. **Amen.** Songon on do didok Tuhan Jahowa: Ndang be ulahanKu mangaragehon nasa na mangolu, songon na hubahen i. On pe saleleng adong tano on, ‘ndang jadi mansohot saburon dohot gotilon, ari ngali dohot ari las, ari logo dohot rondo ni ari, arian dohot borngin. Na balga situtu do Ho, ale Jahowa Debatanku, marpahean hasangapon dohot hamuliaon do Ho. **Haleluya!**

H: *[Mangendehon: HALELUYA PUJI TUHAN [BE. HKBP No. 854/BL. 854]*

Haleluya, haleluya, haleluya, haleluya, puji Tuhan

Haleluya, haleluya, haleluya, haleluya, puji Tuhan

Puji Tuhan Haleluya, puji Tuhan haleluya

Puji Tuhan Haleluya, puji Tuhan.

P: **Martangiang ma hita!** Ale Tuhan Debata, Amanami na di banua ginjang! Ho do haroroan ni sude denggan basa na marragamragam i. Ala ni pasupasuM do umbahen marparbue sude na niula ni tangannami, jala diparmudu Ho do hami na tinompaM, asa unang rapar. Dibahen i marpungu hami nuaeng mandok mauliate sian nasa rohanami tu Ho. Sian tanganMu do sude hujalo hami, nasa na denggan

tu dagingnami dohot tu tondinami, jala asi ni rohaM do mangaramoti hami. On pe sai jalo ma hamauliateon ni rohanami. Angkup ni i sai lehon ma tondiM tu hami, na mamuhai dohot patiurhon mata ni rohanami, asa lam huida hami sude na denggan, sude na uli na pinatongonMi tu hami, asa lam ringgas rohanami mamuji dohot pasangaphon Ho marhitehite Tuhan Jesus Kristus, Tuhannami. **Amen.**

..... *Hundul*

3. MARENDE BE. No. 754 : 1, 3 “Gok las ni roha do au” BL. 754

♪ Gok las ni roha do au di ngolungkon di ngolungkkn di ngolungkon, gok las ni roha do au di ngolungkon tongtong di rohangkon.

Reff. Mauliate gok las ni roha maringan holong-Mi Tuhan di au

mauliate, gok las ni roha maringan holong-Mi Tuhan di au.

♪ Gok do holong ni Jesus di ngolungkon di ngolungkon di ngolungkon gok do holong ni Jesus di ngolungkon tongtong di rohangkon. ***Reff. Mauliate gok.....***

4. PATIK NI TUHAN DEBATA

P: Tangihon hamu ma Patik ni Debata di minggu sadarion, sian na tarsurat di **I Kronika 16 : 29, na mandok: Lehon hamu ma di Jahowa hamuliaon ni goarNa; boan hamu ma silehonlehon, dung i ro ma hamu tu adopan ni bohiNa, marsomba ma hamu tu Jahowa marpanghean na marhadohoan! Ido sahatna; rap mangido gogo ma hita tu Debata laho mangulahon PatikNa i.**

H: *Ale Tuhan Debata! Sai pargogoi ma hami mangulahon na hombar tu PatikMi. Amen.*

5. MARENDE BE. No. 425 : 1 + 3 “Batu mamak di au on” BL. 285

♪ Na nidok ni Patik i maol diula jolma i, nang na ringgas situtu, tangis ala naeng burju, nda tung sesa dosa i baenon ni na songon i.

♪ **[Jongjong]** Ipe hehe au nama, lao tu dolok Golgatha, tu hau pinarsilangMi, ale Jesus Thanki! Unang tulak sian i au na marsak roha i.

6. MANOPOTI DOHOT HASESAAN NI DOSA

U: Tatopotu ma dosanta, martangiang ma hita! Ale Tuhan Debata Pargogo na so hatudosan, Parasiroha na sumurung, Ama ni Tuhan Jesus Kristus Sipangolu hami. Hami halak pardosa na dangol on, ro tu jolo ni habangsa habadiaonMi, manopoti jala manganggukhon dosanami. Mansai jotjot huarsahi hami Ho marhitehite pingkiran dohot hata dohot pambahenannami na roa i. Nandang huhaholongi hami Ho sian nasa rohanami dohot nasa ateatenami dohot nasa tondinami dohot nasa gogonami; nang dongannami ndang doshon dirinami hubahen hami. Dibahen i tama do rimasanMu jala uhumonMu hami tu hamatean saleleng ni lelengna i. Alai na maporus ma hami nuaeng tu asi ni

rohaM na godang i, mangido sian nasa rohanami hasesaan ni dosanami saluhutna. Sai urupi ma hami paubahon rohanami, ala ni Tuhan Yesus, Anak haholongan ni rohaM, Sipangolu hami dohot ala ni GoarMu na badia i. Ale Tuhan, sai asi ma rohaM di hami halak na dangol on. **Amen. Bagabaga ni Debata taringot tu hasesaan ni dosa!** Songon sintong na mangolu Ahu, ninna Tuhan Jahowa, tung na so lomo do rohangKu mida hamatean ni parjahat, na lomo do rohangHu mida hamumulak ni parjahat I tumadingkon dalanna, asa mangolu ibana. *Hasangapon ma di Debata na di ginjang!*

U+H: Amen.

..... *Hundul*

7. MARENDE BE. No. 435 : 1 – 2 “Marolopolop tondingki” BL. 294

- ♪ Marolopolop tondingki, ai naung ditobus Jesus i. Hamu sude, bege ma i, sai las rohangku mandok i. ***Reff. Sonang ni tingki i, dung jumpang Jesus Tuhanki! Tondina mangajari au, tarbaen marlas ni roha au! Sonang ni tingki i, dung jumpang Jesus Tuhanki.***
- ♪ Dihaol holongNa rohangki, tung na so boi be mago i. MataNa do manatap au, pinggolNa tumangihon au. ***Reff. Sonang ni.....***

8. E P I S T E L:

- P:** Tangihon hamu [Tatangihon] ma Hata ni Debata turpuk Epistel di Minggu XVII Dung Trinitatis on, i ma **Daniel 3:13-18**. Dung i piripirion jala muruk situtu ma si Nebukadnesar mandokkon ingkon boanon si Sadrak, si Mesak dohot si Abednego tu jolona. Jadi tarboan ma na tolu halak i tu jolo ni rajai.
- H:** ***Dung i ninna si Nebukadnesar ma mandok nasida: Atehe, tongon do, ale Sadrak, Mesak dohot Abednego, ndang olo hamu mamele tu debatanku, jala ndang olo hamu marsomba tu ganaganaan sere naung hupajongjong i?***
- P:** On pe molo olo hamu nuaeng, disi dibege hamu suara ni sarune, tulila, hasapi, arbab, sordam, gondang dohot sandok ragamragam ni parhinaloan, marsinggang jala marsomba tu ganaganaan naung hupauli i? Alai molo so olo hamu marsomba, ingkon tongkinnai hamu timpalhohonhon tu liang pamurunan na marnalanala! Dung i idaon ma manang Debata dia na tuk paluahon hamu sian tanganku!
- H:** ***Jadi ro ma alus ni si Sadrak, si Mesak dohot si Abednego mandok tu rajai: Ale Nebukadnesar, ndang pola alusannami ho, anggo taringot tu na nidokmi.***
- P:** Molo lomo roha ni Debatanami, na huoloi hami, sai paluaonna do hami sian liang pamurunan na marnalanala i dohot sian tanganmu, ale rajanami.

H: *Alai nang so lomo rohana, ingkon botoonmu do, ale rajanami, na so olo hami mamele tu angka debatamu manang marsomba tu ganaganaan sere, naung pinajongjongmi.*

P: I do sahatna. Martua do angka na tumangihon Hata ni Debata, jala na umpeopsa.

P+H: Amen.

9. MARENDE BE No. 519 : 2 + 4 “Tarbege do Panjou ni Kristus” BL. 694

♪ Na olo hita paboahon holong do Jesus Tuhan i.

Naung saut malua do dibahen ama nang ina Batak i.

Hita sude, naeng marade, nang dileleda, haposan ma di Debata.

♪ Ulaon ma mangkatindangkon Kristus nampuna hita on,

Asa torop dope barani marsomba tu Rajanta on.

Hita sude...

10. LITANI: MANGHAMULIATEHON & MANGHALASHON ULANG TAHUN PA-29-HON HKBP FAJAR 1996 – 2025 [06 OKTOBER]

P: Tama do hita marlas ni roha sadari on, ala asi dohot denggan basa ni Tuhan Debata di hita huriaNa HKBP Fajar on, ari na bersejarah do di hita na sahuria sadari on, ala boi do pe hurianta patupahon Pesta Gotilon dohot Ulang Tahun HKBP Fajar na pa-29-hon. Asi dohot denggan basa ni Tuhan Debata na sai mangaramoti dohot marmudumudohon huriaNa. Sihangoluhononta dohot ingotonta marhite pesta sadarion i ma manghamauliatehon asi niroha dohot denggan basa ni Tuhan Debata naung tajalo marhite huriaNa HKBP Fajar on, songon na nidok ni hata Tuhan Debata: **“Godang ma tongon na binahen ni Jahowa tu hita, jadi marlas niroha ma hita”** [Psalmen 126 : 3]. Siala ni i tongtong ma hita marlas ni roha jala marsada ni roha di bagasan holong na sian Tuhan Jesus Kristus, Raja ni Huria i.

H: ***Godang ma tongon na binahen ni Jahowa tu hita, jadi marlas ni roha ma hita!***

P: Parmingguon na parjolo HKBP Fajar dipatupa di tanggal 15 Januari 1995, maringan na di Jalan Belut torop ni na ro mandohoti parmingguon i ± 100 halak. Parmingguon na paduahon di patupa di tanggal 22 Januari 1995, torop ni na ro mandohoti parmingguon i ± 150 halak. Parmingguon na patuluhon dipatupa di tanggal 29 Januari 1995, torop ni na ro mandohoti parmingguon i ± 200 halak.

H: ***Godang ma tongon na binahen ni Jahowa tu hita, jadi marlas ni roha ma hita!***

P: Di tanggal 28 Februari 1995, jongjong ma pungan koor Ina Kamis, Ama Rogate dohot NHKBP. Dung jongjong pungan i dipatupa huria ma PHD [Patanakhon Hata ni Debata], Partangiangan sahalai saminggu di tolu [3] Wijk, [Wijk 1 di Sukajadi, Wijk 2 di Labuh Baru, dohot Wijk 3 di Labuhbaru Barat]. Ala lam martamba-tamba do bilangan ni ruas ni huria na ro marminggu ganup minggu gabe

ndang siat be di inganan parmingguon na di Jln. Belut. Nionjar ni las ni roha ni ruas dohot parhalado marnida torop ni ruas na ro marminggu ganup minggu gabe mardos ni roha ma ruas dohot parhalado ni huria laho paulihon gedung gereja inganan parmingguon jala dipillit ma panitia pembangunan gereja di bulan Mei 1996.

H: *Godang ma tongon na binahen ni Jahowa tu hita, jadi marlas ni roha ma hita!*

P: Dimulai ma pembangunan gereja di bulan Juni 1996 maringanan di Jalan Fajar No. 73. Dung sidung dipauli gedung gereja boho di ari Minggu, 6 Oktober 1996 dipatupa ma parmingguon na parjolo di Gedung gereja HKBP Fajar. Jala tanggal parmingguon na parjolo i ma gabe ditotophon hurianta ari hatutubu ni HKBP Fajar na tahamuliatehon tu Tuhan Debata na tongtong mangaramoti pardalan ni huriaNa i. Di ari Minggu tanggal 16 Maret 2014, dipatupa ma pesta mameakhon batu ojahan dohot mangompoi gedung HKBP Fajar ni uluhon Ompui Ephorus HKBP Pdt. W.T.P. Simarmata, MA na dihadiri Walikota Pekanbaru H. Firdaus, ST. MT.

H: *Godang ma tongon na binahen ni Jahowa tu hita, jadi marlas ni roha ma hita!*

P: Di na tapaihuihut saotik pardalan ni huria HKBP Fajar on sian taon 1995 sahat tu tingki on. Mauliate ma tapasahat tu Tuhan Debata Pardenggan Basa i na mansai godang patupa angka tanda halongangan, mangiringiring pardalanan ni huria HKBP Fajar on. Mauliate ma tapasahat tu sude ruas dohot parhalado di sundut na parjolo i, na saurdot mangalehon roha, gogo, tingki nang angka sinadonganna manumpahi panghobasion ni huria HKBP Fajar on, gabe boi tipak jala taruli hita di HataNa marhite huriaNa on.

H: *Godang ma tongon na binahen ni Jahowa tu hita, jadi marlas ni roha ma hita!*

P: Huria HKBP Fajar! na hinaholongan ni Tuhan Debata, sai tongtong ma mian di hita haholongon ni roha. Satahi saoloan ma tongtong pangula nang ruasNa marsomba tu Jesus Kristus Raja ni huria i. Sai mardame-dame jala masihaholongan songona pamantang ni Kristus i. Diragam ni panghobasion na tapatupa sai tongtong ma hita renta, unang adong na marungurungut, dao ma bada nang parsalisian, sude ma hita marlasniroha sian na metmet, sahat ro di na magodang.

H: *Godang ma tongon na binahen ni Jahowa tu hita, jadi marlas ni roha ma hita!*

P: ‘Nandang sala pillit na tuatuantu na parjolo i mambahen goar ni huria on HKBP Fajar. Fajar na marlapatan do i bona ni panghirimon na imbaru, sai tapahot ma panghirimonta tu Tuhan Debata. Sai martamba-tamba ma angka na uli na denggan, mambahen uli jala denggan sasude di huriaNa on. Ongkuhononta ma na didok ni par-Psalmen i, na mandok: **“Godang ma tongon na binahen ni Jahowa tu hita, jadi marasniroha ma hita” [Psalm 126 : 3].** Antong taauhon ma tu bagasan rohanta asi ni roha ni Tuhan Jesus Kristus Raja ni Huria naung umpasupasuhoon ragam ni angka pasupasu pardangingon tarlumobi partondion tu ngolunta marhite

huria HKBP Fajar on. **Rim ma hita jongjong, rap ma hita mangendehon: B.E. No. 651 : 1 – 2 “Huria na huhaholongi hami” BL. 651**

- ♪ Huria na huhaholongi hami. Na pinajongjong ni Tuhanta i
Tung na so lupa sian rohanami. Huria i dohot ruasna i
Di nasa hasusaan, tongtong do i manahan. Manggogo pe angka galumbang i
Tuhanta do na pademakhon i. Martua do na hot di Tuhan i
- ♪ Marpadan do au on tu Debatangku. Tu Jesus Raja ni Huria i
Sai pangkeonku do nasa gogongku. Mangaradoti huriaNa i
Tung ro pe haleaon ingkon huhabengethon. Manggogo pe angka galumbang i
Tuhanta do na pademakhon i. Martua do na hot di Tuhan i

11. MANGHATINDANGHON HAPORSEAON:

P: Tahatindanghon ma haporseaonta i, songon na hinatindanghon ni donganta
sahaporseaon di sandok portibi on. Rap ma hita mandok:

H: Ahu porsea di Debata Jahowa.... d.u

..... *Hundul*

- 12. KOOR : Ina Gabungan HKBP Fajar**
13. TINGTING :
14. KATA SAMBUTAN : Ketua Panitia Pesta
15. KOOR : Ama Gabungan HKBP Fajar

16. PAPUNGU PELEAN HUHUT MARENDE BE. HKBP No. 658 : 1 ... “TU PORTIBI ON NA RUNDUT” BL. 658

.....**Papungu Pelean Ia & Ib**

♪♪♪ Tu portibion na rundut borhat ma ho, Galak bahen palitomu sai dundo ho.
Boan sondang tu na holom mangurupi na mardangol. I do barita na uli ni
Kristus i.

♪♪♪ Taradoti hasadaon ni ruas i. Talului biru-biru na mago i. Hata ni Tuhan
Jahowa do pasada houm nang hata. Sian sude partingkian tu Debata.

.....**Musik**

♪♪♪ Hata i baen sitiopan di dalanmi, Kristus i baen panungkunan di ngolumi.
Sai radoti hatigoran holong dohot hasintongan, Sasadasa Debatanta haposi
ma.

17. J A M I T A: Rom 1 : 8 - 15

18. PAPUNGU PELEAN HUHUT MARENDE BE. HKBP No. 666 : 1 ... “INGKON DO BOANONTA BARITA” BL. 666

..... **Papungu Pelean II**

Ingkon do boanonta barita, tu inganan na holom i, I ma holong nang hasintongan dame na manongtong i, Dame na manongtong i. Reff: Ai naung binsar do hatiuron, nunga salpu na holom i, huaso ni Kristus hot tongtong saleleng-lelengnai.

Ingkon endehononta pujian, pasangaphon Tuhanta i. Na tuk manaluhon na jahat, nang sinjata porang i, Nang sinjata porang i. Reff: Ai naung binsar....

.....Musik

Ingkon do boanonta Barita, Debatanta do Raja i, Dilehon anak sasadaNa, manobus pardosa i, Manobus pardosa i. Reff: Ai naung binsar....

Ingkon do hita manghatindangkon Jesus Kristus Partobus i. Asa tu toropna na olo, manjangkon na sintong i, Manjangkon na sintong i. Reff: Ai naung binsar.....

19. PASAHAT SILUA DOHOT TUMPAK [UNGKAPAN SYUKUR] PARBUE PIR SIAN RUAS DOHOT UTUSAN RUAS SIAN WIJK 1 – 14 DI PESTA GOTILON

U: Hamu dongan sahuria na hinaholongan ni Tuhanta Jesus Kristus! Nuaeng sahat ma hita tu acara **PESTA GOTILON** ni Hurianta, laho manghalashon dohot manghamauliatehon denggan basa ni Jahowa, antong tapasahat ma dibagasan roha na mandok mauliate tu Debata. Dilehon Debata do tu hita pangomoan na ture. Taokuhon do, saluhutna silehonlehon na denggan, nasa ulibasa na mauliutus, ima na ro sian ginjang. Dilehon do di hita parbue ni tano, parbue ni suansuanan, parbue ni usahanta dohot parbue ni angka ulaonta. Antong dibagasan roha na mandok mauliate tu Debata, tapuji ma Ibana, taendehon ma **BE No. 373 : 1 – 2 “Mangula hita jolma” BL. 219**

H: *[Mangendehon BE, No. 373:1 - 2 “Mangula Hita Jolma”]*

Mangula hita jolma Manabur boni i, alai anggo jadina di Debata doi. Dilehon las ni ari, nang nambur udan pe, Tongtong di panumpakNa marguru sasude. Nasa ulibasa ro sian Debata, i pe Ibana puji ma, huhut haposi da.

Sai sian Debatanta do nasa na adong. Nang rihit sangkamata, Nang laut nang tano on. Tinompa ni hataNa, Do hau nang bulung i, Nang nasa parbuena, Nang bungabunga i. Nasa ulibasa ro sian Debata, i pe Ibana puji ma, huhut haposi da.

U: Nunga ita jalo denggan basa dohot asi ni roha sian Jahowa, ima marhite ulaonta, usahanta dohot angka naniula ni tanganta. **Na manaburhon otik, otik do gotilonna, jala na manaburhon managam pasupasu, mangalap pasupasu di na manggotil. Ganup ma ni onjar ni rohana, unang ma sian na muruk manang sian na so tarjua, ai dihaholongi Debata do na las roha**

mangalehon. [2 Korint 9:6-7]" Sude ma hita on marolop-olop jala mariaia, ala nunga manumpahi Debata dibagasan ngolunta.

H: ***Mauliate ma di Ho Tuhan, naung mangalehon parbue ni angka ulaonnami. Hupasahat hami ma i bahen pelean na hushus di joloM.***

U: Antong! Taruhon hamu ma sintong parsampuluan i tu bagas parpeopan, asa adong bohah di bagasan jabungku, jala unjuni hamu ahu taringot tusi, ninna Jahowa Zebaot, manang so ungkaponku di hamu angka pandiloan ni langit, jala mangusehon tu hamu gabe maradu marlobilobi. (Maleakhi 3:10) laos jongjong ma hamuna saluhutna.

..... Jongjong ma Ruas ni huria

Martangiang ma hita : Ale Tuhan Debata, Amanami na di banua ginjang. Ho do haroroan ni sude denggan basa namaragamragam i. Alani pasu-pasuM do umbahen na marparbue sude na niula ni tanganami, jala diparmudu Ho do hami na tinompaM, asa unang rapar hami. Dibahen i marsomba hami nuaeng mandok mauliate sian nasa rohanami tu Ho. Sian tanganMu do sude hujalo hami, nasa na denggan tu dagingnami dohot tondinami, jala asi ni rohaM do mangaramoti hami. On pe sai jalo hamauliateon ni rohanami. Agkup ni i sailehon ma TondiM tu hami, namamuhai dohot patiurhon mata ni rohanami, asa lam huida hami sude na denggan, sude nauli na pinatongonMu tu hami, asa lam ringgas rohanami mamuji dohot pasangaphon Ho marhitehite Tuhan Jesus Kristus, Tuhannami. **Amen**

----- Ro ma ruas na mamboan silua pribadi & utusan Ruas & Parhalado sian ganup Wijk pasahathon tumpak [ungkapan syukur], parbue pir, silua Wijk, sian ganup Wijk pasahathon tu Parhalado. Huria Marende BE. No.848:1 - 3 "Dison adong huboan Tuhan" BL. 848

♫♫♫ *Dison adong huboan Tuhan, parbue ni ngolungku na so tardok nian. Sadia ma argana Tuhan, Molo sai ni rajuman sude denggan basaM Jalo ma Tuhan sai las ma rohaM.*

..... Musik

♫♫♫ *Tanganku na metmet da, Tuhan, Na so hea mansari dope au on Tuhan; Rohangku ma hulehon, Tuhan, Na boi pelehononku gabe las ni rohaM, Jalo ma Tuhan, sai las ma rohaM.*

..... Musik

♫♫♫ *Huingot do hataM da, Tuhan, Ingkon sarihononhon anggim na metmet an Ampehon ma tanganMu sangkan,. Itak na otik i unang suda nian, Jalo ma Tuhan, sai las ma rohaM.*

..... Musik

U: Tadok ma mauiliate tu Jahowa, ai pardenggan basa do Ibana, ro di saleleng ni lelung na do asi ni rohaNa tu hita. Nunga tapasahat siluanta tu huria-Na, songon parbueni angka na taula. Antong! Tangihon hamu ma hata ni Debata na mandok: **Alai marhuaso do Debata, mangusehon saluhut asiasi tu hamu, asa sandok tuk situtu di hamu jala marlobilobi hamu, laho patupahon saluhut ulaon na denggan.** Antong taharinggashon ma manghobasi huriaNa dibagasan dame, sada ni roha, na ni rahut ni holongNa i.

20. Tangiang Panutup: Tangiang Pelean – Tangiang Pesta Gotilon, Tangiang Ale Amanami – Pasupasu

PELAYAN	IBADAH MINGGU PESTA GOTILON
Khotbah	Pdt. Pantas Parapat, M.Th
Liturgis	Biv Rusliana Silalahi - Pdt. Dewiana Purba, S.Th
Warta Jemaat	Capent Rini Lestari Rajagukguk, S.Th
Pelean	St. J.T. Ritonga St. L. Hutagaol St. A. Silaban St. G.H.S. Hutahaeen St. A. Gultom St. R. br. Tampubolon St. J. Nainggolan St. M. br. Hutabarat
Pemusik	Vincent Simbolon & Jekson Marbun
Pemandu Lagu	C.H. Simanungkalit Ny. St. U. Manurung / br. Panjaitan Eva br. Simanjuntak Putri br. Purba, Roger Simanjuntak

III. Acara Ulang Tahun HKBP Fajar Pa-29-hon dohot Pesta Gotilon Diaturhon Seksi Acara!



S e l a m a t
Pesta Gotilon & Ulang Tahun HKBP Fajar Pa-29-hon

MAKNA PESTA GOTILON DI HKBP

Menurut Kamus Batak Toba Indonesia, gotilon berarti musim menuai atau masa panen. Gotilon diadopsi dari tradisi Jahudi akan Pesta Hari Raya Pondok Daun atau Pesta hari pengumpulan hasil panen [bnd. Keluaran 23 : 16 – 17; Imamat 23 : 33 – 36; Ulangan 16 : 13 – 15]. Pesta ini dimaknai sebagai ungkapan syukur atas berkat dan kasih karunia Tuhan yang senantiasa memelihara kehidupan umat-Nya. Pada acara ini salah satu unsur yang penting untuk dilaksanakan adalah dengan membawa **Persembahan [Silua]** berupa hasil panen pertama [buah sulung] dari hasil pekerjaan yang dilakukan. Persembahan itu dibawa ke dalam pelataran Bait Allah sebagai pertanda kehadiran Allah di dunia. Persembahan yang dikumpulkan akan dipergunakan bagi suku Lewi sebagai suku yang dikhususkan untuk melayani Tuhan, dan juga dipergunakan untuk pelayanan kepada orang-orang marjinal [miskin] seperti : budak, para janda/duda serta yatim piatu.

Dasar teologis membawa persembahan [silua] dihadapan Allah adalah mengingat Umat Israel yang berada di situasi yang penuh penderitaan dan kelaparan karena diperbudak di Mesir. Akhirnya Allah bertindak untuk menyelamatkan mereka dan membawa ke tanah perjanjian yang penuh dengan susu, madu, tanah yang subur. *“Apabila engkau telah masuk ke negeri yang diberikan Tuhan Allahmu kepadamu menjadi milik pusakamu, dan engkau telah mendudukinya dan diam di sana. Maka haruslah engkau membawa hasil pertama dari bumi yang telah kaukumpulkan dari tanahmu yang diberikan kepadamu oleh Tuhan Allahmu, dan haruslah engkau menaruhnya dalam bakul, kemudian pergi ke tempat yang akan dipilih Tuhan Allahmu untuk membuat namaNya diam di sana”*. [Ulangan 26 : 1-2].

Tradisi pesta Gotilon Huria yang dilaksanakan oleh Gereja HKBP adalah kesadaran akan berbagai pemberian yang baik dan anugerah yang sempurna semata-mata bersumber dari Tuhan. Tuhan memberkati manusia senantiasa walaupun pemberontakan terus ada di dalam hidup kita. Tuhan tidak pernah menghambat akan berkat yang dicurahkan bagi manusia, cahaya sinar pagi di ufuk timur, hujan dan panas yang silih berganti dan banyak lagi. Dengan dasar itulah kita disadarkan untuk memberikan yang terbaik kepada Tuhan. Di dalam iman Kristen, persembahan tidak harus dimaknai sebuah kewajiban, sebab berkonotasi tuntutan legal. Artinya bila dilakukan atau tidak dilakukan akan berdampak yang baik dan yang tidak baik. Justru Sebaliknya, persembahan lebih merupakan wujud/ekspresi ungkapan syukur dari hati yang tulus atas kasih Allah yang melimpah yang kita terima dalam hidup. Dengan kata lain, kita memberi karena Allah sudah terlebih dahulu memberi kepada kita. Segala yang kita miliki menjadi cerminan untuk memberi; baik nafas hidup, kesehatan dan rejeki.

Adapun yang kita bawa kepada Tuhan sebagai persembahan [Silua] tidak lagi melulu hasil panen dari tanah sebagai mana persembahan jaman dahulu yang hidup sebagai masyarakat agraris [pertanian]. Di masa kini telah terjadi pergeseran demografi [tempat] dan wilayah pekerjaan, dari desa menjadi semi kota dan dari semi kota menjadi kota besar [modern]. Mereka tidak lagi bersandar pada pertanian atau perkebunan melainkan bergeser pada dunia jasa dan industri. Itu sebabnya persembahan [Silua] tidak lagi berfokuskan hasil pertanian dan perkebunan tapi telah berubah dengan mempersembahkan benda/barang [parsel] atau uang. Umumnya masyarakat di perkotaan mempersembahkan uang sebagai Silua.

Pesta Gotilon merupakan kesempatan yang baik bagi setiap warga jemaat untuk menyatakan rasa syukur atas berkat yang diterima dari Tuhan. Dalam tradisi Batak, Silua atau persembahan dilakukan dengan menganut falsafah hidup *“Memberi dengan sukacita menuai berkat Allah”*. Itu sebabnya di orang Batak dulu sangat terpelihara budaya *“Marsiadap ari”* saling membantu tanpa harus menerima imbalan atau upah. Tuhan telah memberikan hari [waktu], matahari, hujan dan segalanya untuk menjadikan segala sesuatu sesuai dengan kehendakNya. **Salam Pesta Gotilon. H o r a s**